

दे॒वा दै॒व्या हो॒तारा । दे॒वमिन्द्र॑मवर्द्ध॒तां । ह॒ताद्य॑-
शः॑ सा वाभा॑र्ष्टां वसु॒वाय्या॑णि । यज॑मानाय शि॒क्षितौ ।
वसु॒वने॑ वसु॒धेय॑स्य वी॒तां यज॑ । दे॒वीस्ति॒स्रः स्ति॒स्रो दे॒वीः ।
पति॑मिन्द्र॑मवर्द्धयन् । अ॒स्पृष्ट॒द्वा र॑ती दि॒वं । रु॒द्रैर्य॒ज्ञः
सर॑स्वती । इ॒डा वसु॑मती गृ॒हान् ॥ ४ ॥

वसु॒वने॑ वसु॒धेय॑स्य वि॒यन्तु॒ यज॑ । दे॒वइन्द्रो॑ नरा॒-
शः॑ । चि॒व॒रु॒थस्त्रि॑बन्धुरः । दे॒वमिन्द्र॑मवर्द्धयत् । श॒ते-
न॑ शि॒तिपृ॒ष्ठाना॒माहि॑तः । स॒हस्रे॑ण प्रव॑र्त्तते । मि॒चाव॒-
रु॒णे द॑स्यहोचम॑र्ह॒तः । वृ॒हस्प॑तिः स्तो॒त्रं । अ॒श्विना॒ध्व-
र्य॒वं । वसु॒वने॑ वसु॒धेय॑स्य वे॒तु यज॑ ॥ ५ ॥

दे॒वइन्द्रो॑ वन॒स्पतिः॑ । हि॒र॒ण्यप॑र्णा मधु॑शाखः सुपि॒प्प-
लः । दे॒वमिन्द्र॑मवर्द्धयत् । दि॒वम॒ग्रेणा॑प्रात् । अ॒न्त-
रि॒क्षं पृ॒थि॒वीम॑दृ॒ष्टो॒त् । वसु॒वने॑ वसु॒धेय॑स्य वे॒तु यज॑ ।
दे॒वं ब॒र्हिर्वा॑रि॒तीनां॑ । दे॒वमिन्द्र॑मवर्द्धयत् । स्वा॒स॒स्थ-
मिन्द्रे॑णास॒न्नं । अ॒न्याव॒ह इ॒ष्यभ्य॑भूत् ॥ वसु॒वने॑ वसु॒धे-
य॑स्य वे॒तु यज॑ । दे॒वो अ॒ग्निः स्वि॑ष्ट॒कृत् । दे॒वमिन्द्र॑मवर्द्ध-
यत् । स्वि॑ष्टं कु॒र्वन्ति॒स्वष्ट॑कृत् । स्वि॑ष्टम॒द्य क॑रोतु नः ।
वसु॒वने॑ वसु॒धेय॑स्य वे॒तु यज॑ ॥ ६ ॥